

Oanehaččat gymnásasierraskuvlla birra 2013



Gymnásasierraskuvlla prográmmat

Gymnásasierraskuvllas lea nášuvnnalaš ja individuála prográmmat. Nášuvnnalaš prográmmat leat

Prográmma hálddahussii, gávppašeapmái ja gálvogiedahallamii

Oahppit ožžot vuđolaš máhtuid hálddahusbarggus, gávppašeamis ja gálvogiedahallamis. Oahpahuš válbme oahppi bargui o.m.d. álkibut hálddahusbargguide, praktihkalaš márkanaštimii ja álkibut dokumentašuvdnii. Oahpahuš áiggis oahppi ovddida maid bálvalusjurddašeami vuogi ja návcca gulahallat ja ovttasbargat oastiiguin.

Prográmma estehtalaš doaimmaide

Oahppit ožžot vuđolaš máhtuid estehtalaš doaimmain ja cealkáhámiin. Prográmmas oahppit ožžot geahččalit gulahallat govaid, teavsttaid ja jienaid bokte. Oahppu prográmmas ii leat sierra ámmátsuorgi muhto berre dagahit ahte oahppi sáhtta searvat sierra dáiddalaš prošeavttaide ja joatkkit lohkat dahje bargat dan estehtalaš suorggis. Máhtut máhttet maid leat buorrin ovdaskuvllain ja sierra as-toáigedoaimmain mánáide.

Prográmma opmodagaide, ráhkadusaide ja huksemiidda

Oahppit ožžot vuđolaš máhtuid opmodat-, ráhkadus- ja huksenbarggus. Oahpahuš válbme ohppiid vai o.m.d. máhttet bargat divvumiiguin ja doalaheami opmodagain dahje eananbargguin ja doalahit párkabirrašin.

Prográmma vuožándikšui ja gálvogiedahallamii

Oahppit ožžot vuđolaš máhtuid vuožándivššus ja gálvogiedahallamis. Oahpahuš válbme ohppiid vai galget o.m.d. máhttet divvut vuožániid ja mášiinnaid, bassat ja rekondišoneret biillaid dahje vuodjit trukka. Oahpahuš áiggis oahppi ovddida maid bálvalusjurddašanvuogi ja -návcca gulahallat ja ovttasbargat oastiiguin.

Prográmma duodjái ja buvttadeapmái

Oahppit ožžot vuđolaš máhtuid duodjehistorjjás, duodjeteknihkkas ja buvttadeamis. Oahpahusas oahppit ohppet bargat reaidduiguin ja buvttadanvugiiguin ja ovddidit máhtuid ávdnasiid birra mat geavahuvvot prográmma ámmátsuorggis.

Prográmma hotellii, restauráŋŋii ja láibbohahkii

Oahppit ožžot vuđolaš máhtuid hotealla, restauráŋŋa ja láibbohagaid birra. Oahpahus válbme ohppiid vai galget máhttit bargat o.m.d. láibbohat- ja konditóriijagálvvuiguin, borramušbuhtisvuodain, beavdáid bidjamiin, málistemiin ja hoteallabálvalusain. Oahpaha botta oahppi ovddida maid bálvalusjurddašanvuogi ja -návcca gulahallat ja ovttasbargat oastiiguin.

Prográmma dearvvašvuhtii, dikšui ja fuolahussii

Oahppit ožžot vuđolaš máhtuid bálvalusas ja fuolahusas astoáige- ja dikšosuorggis.

Oahpahus válbme oahppi vái galgá sáhttit bargat o.m.d. biebmodoaluin, fuolahusbargguin ja divššuin. Oahpaha botta oahppi oahppá ovddidit bálvalusjurddašan vuogi ja návcca gulahallat ja ovttasbargat iežá olbmuiguin.

Prográmma servodahkii, lundui ja gillii

Prográmma oahpaha oahppi erenomážit surggiin servodatdiehtu ja giella. Dasa lassin gávdno vejolašvuhta oahppat eanet dahje viiddidit máhtuideaset medias ja birrasis.

Prográmma meahccái, eatnamii ja ealibiidda

Oahppit ožžot vuđolaš máhtuid luonddus, birrasis ja eanangeavahanteknikkain. Oahpahus válbme ohppiid vai galget máhttit bargat o.m.d. eatnamiin ja olgobirrasiguin, šattuiguin, šaddanbirrasiguin ja ealibiiguin. Oahpahus áiggis oahppi oahppa ovddidit bálvalusjurddašanvuogi ja -návcca gulahallat ja ovttasbargat iežá olbmuiguin.

Árvosátneskála

Nášuvnnalaš prográmmain bidjá árvosáni juohke loahpavuon gursii. Jus lea dohkkevuon ožžo árvosáni E, D, C, B dahje A. Alimus árvosátni lea A ja vuolimus árvosátni lea E.

Jus ii birge gáibádusa árvosátnái E ii oáčču árvosáni.

Gymnásasierraskuvlabargu vuoseha jus oahppi birge dábálaš bargguin

Visot oahppit nášuvnnalaš prográmmas dahket gymnásasierraskuvlabarggu. Dat galgá heivehit prográmmaulbmiliiguin ja oahppi oahpahasain.

Gymnásasierraskuvlabargu galgá vuosehit ahte oahppi birge dábálaš bargguiguin ámmátsuorggis. Danin dahká iežat gymnásasierraskuvlabarggu oahpahusa loahpas.

Oahpaheaddji árvvoštallá gymnásasierraskuvlabarggu ja mearrida jus lea dohkkevuon vai ii. Dohkkevuon gymnásasierraskuvlabargu ožžo árvosáni E. Jus oahppi ii olláshuhte ulbmila oahpaheaddji ii bidjá árvosáni.

Individuála oahpahus

Oahppit geat eai sáhte čuovvut oahpahusa nášuvnnalaš prográmmas ožžot vázzit individuála prográmma. Individuála prográmma sisdoallá daid fáddasurggiid:

- estehtalaš doaibma
- ruokto- ja oastidieđu
- valáštallan ja dearvvašvuolta
- luondu ja biras
- Ovttaskas olmmoš ja servodat
- giella ja gulahallan.

Dasa lassin oahppit sáhttet čadahit praktihka jus lea buorre ohppii.

Okta fáddasuorgi sáhtta sisdoallat osiid eanet go ovtta fáttas. Juohke fáddasuorgái gávdno fáddaplána . Dat čilgeha áigumuša oahpahusain ja ulbmiliid maid oahppi galgá oahppat.

Árvosániid sadjái , oahpaheaddji árvoštallá oahppi máhtuid dáid gáibádusain daid vuđolaš máhtuin ja daid lasse máhtuin. Dan láhkái oahpaheaddji sáhtta heivehit gáibádusaid juohke oahppi eavttuid mielde.

Individuála prográmmas sáhtta ovttahttit fáttaid nášuvnnalaš prográmmas ja fáddasurggiin. Rektor mearrida maid sáhtta ovttahttit.

Lohkanplána juohke ohppii

Visot oahppiin gymnásasierraskuvllas lea iežas lohkanplána. Dat sisdoallá čuovvovaš dieđuid

- makkár prográmma oahppi lohká
- gurssiid dahje fáddasurggiid maid oahppi galgá lohkat
- jus prográmma lea ollislaš, gáržžiduvvon dahje lasihuvvon
- makkár gursset gullojit dan dievaslaš prográmmii
- makkár gursset leat olggobeal dan dievaslaš prográmma
- makkár gurssiid dan gáržžiduvvon prográmma sisdoallá ja makkár gurssiid lea sihkkun.

Gymnásaskuvlla vuolggahanprográmma

Oahppit geat leat vázzán vuoddosieraskuvlla sáhttet vázzit soames vuolggahanprográmmain, ámmátoahpastuvvan, individuála molssaeaktu ja giellaoahpastuvama. Vuolggahanprográmma galgá addit ohppiide gelbbolašvuoda haga ođđa vejolašvuodaid.

Ámmátvuolggahaepmi

Ámmátvuolggahaepmi lea visot nuoraide geain eai leat doarvái buorit árvosánit leat gelbbolaččat ámmátprográmmii. Oahppit ožžot oahpahusa ámmátbarggu váras mii geahpida daidda beassat sisa bargomárkanii dahje mii láide oahpahussii ámmátprográmmas.

Individuála molssaeaktu

Individuála molssaeaktu válbme ohppiid iežá oahpahussii , dahje bargomárkanii. Oahpahus hábmejuvvo juohke oahppi mielde ja lea nuoraide geain ii leat gelbbolašvuodta nášuvnnalaš ámmátprográmmii.

Giellavuolggahaepmi

Giellavuolggahaepmi lea oahpahus ollu ruotagielain nuoraide geat easká leat ollen Ruttii. Maŋŋil giellavuolggahaepmi oahppit sáhttet joatkit iežá oahpahusain, ovdamearkka dihte iežá vuolggahanprográmmii.



ISBN: 978-91-87115-99-8
Valokuvat: Michael McLain

Skolverket